

Alles daz<sup>ist</sup> indem paradys  
 Daz sol dir vnderfang sein  
 Da pei sult ir gedechen mem  
 Den ainen parrn der weisheit  
 Sem obs daz sult ir vmb gan  
 Vnd precht sein nicht durch chā not  
 Ezzet aber ir ez so seit ir tod

**Alhie** verpeut Got Adam in Eva daz obz



Da mit chert got von danne  
 Vnd liez sy alain bestan

**O** began dez teufels list  
 Der alles neides ir hab ist  
 Daz mensch neiden durch de zorn  
 Daz ym was sein freud erhorn  
 Die an sunden vorhte  
 Sein hochuart ym vermorhte  
 Vnd dachte wie er gedachte  
 Daz er den menschen prächte  
 Von seinen wunnen in daz lait  
 Daz ym zedilden was berait  
 Vnd ez auch musste han verlorn  
 Diw freud di ym was erhorn  
 Diw hochuart sein ym verlor  
 Den wurm er do zepoten chos  
 Durch daz er hste mere  
 Trug von dez teufels lere  
 Vnd weiser von natur schein

Dane in aller geschafft cham  
 Ander tyer den chos er sa  
 Zy poten ym<sup>in</sup> sant Beda  
 Der weise vnd der geware  
 Der selben slangen were  
 Geleich em antluz emer mager  
 Wan die red ir wol gehaget  
 Vnd bezichenleich tunchet gut  
 Di geleich mit seinem geleichem tyr  
 Do must durch dez antluz schein  
 Der wurm zy einem weib pot sein  
 Die er leichtes mütes vant  
 Vnd waicher an d mer erchant  
 Dann er tate<sup>an</sup> dem manne  
 Vnd torst ym nicht chomen an

**D**er wurm do zy dem weib gie  
 Der teufel also ame vie  
 Sein red abz er wol chonde  
 Mit der slangen munde  
 Er sprach warumb hat ewich got  
 Auf gesact daz gepot  
 Da mit ir seit besetzen  
 Daz ir nicht sult ezzen  
 Aller der frucht die hie wirt  
 Vnd dy daz paradys gepirt  
 Si sprach vns ist erlaubet gar  
 Al daz holz zy lepleicher nar  
 Daz indem paradyse star  
 Got vns da pei verpoten hat  
 Daz holz der chonst an dem ist  
 Vbels vnd gures list  
 Daz wir dez iht ezzen  
 S wie wir daran vergezen vns  
 Dez gepotes must wir sterben  
 Mit dem tode vnd verderben  
 Durch der wort hochgepot  
 aneiden wirs daz hiez vns got  
 für dez todes vngemach  
 Der teufel aus dem<sup>wurm</sup> sprach  
 fürchtet wenich dise not